


Bayibolu Yawanyana Anyanya
yinakushimuna

Chipandakenu
Chatachi



Ayisonekeli kudi: Edward Hughes

Ayilumbulula kudi: Janie Forest
Alastair Paterson

Anakuyizatisha kudi: Lyn Doerksen

Ayituntulula kudi: www.christian-translation.com

Wunu mukanda awidisha kudi: Bible for Children
www.M1914.org

©2022 Bible for Children, Inc.

Wuswa: Mudi nawuswa wakukopolola iyi nsañu,
neyi chakwila hiyakulandishaku.




Mubanda wemeni hewulu dampidi hadi
ipumba, wadiña nakushinshika mwishina
namadilu mumesu
hachuma chawushona
chatalileñayi.

Mwanindi weyala
hakufwa. Iwu mama
yawantu wadiña
Mariya, wemeni
kwakwihi
nakwamupopelelwi
Yesu hakulusu.



Yuma yezhimiya
yamwekeni ñahi?
Chihandilu chaYesu
chawumi wawuha
chikumana ñahi
munzhila
yeniya? Nzambi
wukuleka
Mwanindi amupopeli
hakulusu nakufwilahu?
Komana Yesu waluwañesheli
hakutonda kwikala Mwana
kaNzambi? Komana
Nzambi wakañenyi
kumwamwina?



Chinjila! Nzambi hakañenyuku.
Yesu haluwañesheluku. Yesu
welukili nindi akamujaha kudi
antu atama. Mpinji yadiñayi
mukeki, mukulumpi wejina
daShimona wamulejeli Mariya
nindi chuma chawushona
chikamwekana kumbidi.



Chikwashalili
mafuku antesha
nakumujaha Yesu,
mumbanda wumu wenjila
nakumuwayisha kunyendu
yindi namanzhi evumba
dadiwahi. Atumbanji
hiyakuhila nawu, "Ilu
hilukisa." Yesu wahosheli nindi,
"Nankoñeli chuma chachiwahi, neli
mwenimu kulonda anloñesheli chadimu
chakunjiika." Awa mazu akuhayamisha chikupu!




Kuhiñahu, Yudasi, kambanji
wumu hakachi kawatumbaji
aYesu ikumi nayedí,
wamufukejeleli Yesu kudi
akulumpi jawatupristu
nayikunku yasiliva 30.



Hachipandakenu chakudya chawa
Yudeya, washakamini kudya hamu
nawatumbanji twindi kudya
kukumishaku. Wayilezheli yuma
yayiwahi hadi Nzambi nihayuma
yakanayi antu amukeña. Kuhiñahu
Yesu wayinkeli dikendi nilupasa
lwavinyu kulonda wezhima wawu anwi.
Chadiña chakuyanukisha
atumbanji nawu
hamujimba
waYesu nimashi
akahanawu kulonda
kuleta kwanakeña
nshidi.



Dichi Yesu walejeli amabwambu jindi nindi
akumufutuka, nawa akumutemuka. Petulu
wakanini nindi "ami nukukushiya wanyi."
Yesu wahosheli nindi, "henowu ikombu
kanda yedikili, wukunkana mapampa kasatu."



Chimwahitili mpinji
nawufuku, Yesu wayili
kunakulomba kwiluña
datenañawu nawu
Ñesemani. Atumbanji
ayiliyi nawu akaamini
mutulu. Yesu
walombeli nindi, "Tata,
neyi hichikutwesheka
ilu lupasa kuhitaku,
ilaña chiña nikinwi
hohu, itejaku nkeñelu
yeyi yizatiki."



Kukasumuka mukanka wawantu
hiyakuyilukuka mwitempa, Yudas
diwayitwaminini. Yesu hakaanini
kumukwataku, ilańa Petulu wakitwili
itu deyala wumu. Muwumweneni,
Yesu wakwatili kwitu danowu
iyala nakumuuka. Yesu
welukili nindi akumukwata
mulońa kwadińa
hikukeńa Nzambi.




Izaza dawantu amutweli Yesu kwitala dakapristu muneni. Chashikiluwu akulumpi jawaYudeya ahosheli nawu amujahi hohu Yesu. Petulu wemeneni hahalehi, nawañamba kukesi iku nakutala jinakumwekana.



Mapampa kasatu antu amutalili Petulu nawa ahosheli
nawu, "Nineyi wadiña hamu naYesu!" Mapampa
kasatu Petulu wakaanini,
neyi chochahosheliyi
Yesu nindi wakankaana.
Petulu wadishiñili
nikusanyika.




**IKOMBU HAKUKOKOLA
KOKOLIKO**



Hohenuhu, ikumbu
hakwitela. Chidi neyi izu
daNzambi damushikeneni
Petulu. Wanukili mazu Yesu,
Petulu wadilili chikupu.





Yudasi neyi wadiñeli.
Welukili nindi Yesu hadiña
namuloñaku wudi wejima
hela hakoñeli nshiduku.
Yudasi wafuntishili yikunku
yasiliva 30, ilaña atupristu
akaanini kuyitambula.






Yudasi wayinatili
mali hamaseki,
wayili-kwayiliyi
wadikudikili.




Atupristu amutwalili Yesu kudi
Pilatu, nguvulu yaweni Roma.
Pilatu wahosheli nindi, "Iwu
iyala hinamuwani namuloñaku."
Ilaña izaza dawantu
hiyakuhosha nawu,
"Mupopelenu!
Mupopelenu!"



Nkumininaku Pilatu wetejeli,
wamuhanini Yesu amujahili
hamutanda. Amashidika
hiyakumweta Yesu, kumufwijila
mazeñi kumesu, nakumweta
tubama. Atuñili chibañula
chanyĩña nakumuvwika kumutu
windi. Kuhiñahu amupopeleli
hamutonde kulonda yafwi.



Nkumininaku Pilatu wetejeli, wamuhanini Yesu amujahili hamutanda. Amashidika hiyakumweta Yesu, kumufwijila mazeñi kumesu, nakumweta tubama. Atuñili chibañula chanyiña nakumuvwika kumutu windi. Kuhiñahu amupopeleli hamutonde kulonda yafwi.



Hanyima yakuyanda hadi maora
amavulu, Yesu wahosheli nindi,
"chinamani," nawa wakumishili
wumi. Mudimu windi
wamanini. Amabambu
jindi amujiikili
mwijamu dacheñi.




Amashidika aweni
Roma ajikili hezhamu
nakutachika kudilonda.
Kwosi watweshili
kwiñila mukachi-hela
kwidika.



Iku neyi dikukuma kwansaŋu,
chadi kwikala chuma
chawushona. Ilaña Nzambi
wakoñeli chuma chacheñi
chakuhayamisha.
Yesu hatwalekeli
nakwikala
mwijamuku!




Hefuku datachi nantetemena
damulungu watachi, atumbanji
amakwawu aYesu awanini
ilola deneni anadalumuni
kufuma hezhamu.
Chasumbililuwu
mukachi, kuwana
Yesu mwosi.



Mumbanda wumu washakamini kwizhamu,
watwalekeluhu nakudila. Yesu
wamwekeni kudi yena! Mumbanda
wayili lufuchi nazañalali nakuleja
atumbanji amakwawu. "YESU
WAMUMI! YESU NASAÑUKI
KUFUMA KUDI AFU!"





Chimwahitili mpinji yantesha Yesu wenjili
kudi atumbanji, wayilejeli nimumakasa indi
mwamupopeluwu. Dimu mwalala. YESU
WASAÑUKILI! Wamwanakeneni Petulu
hakumukaana, nawa walejeli atumbanji twindi
kuleja antu amakwawu hadi yena. Kufumahu
wafuntili mwiwulu mwafuminiyi.



Chipandakenu Chatachi

Nsañu yaMwizu daNzambi, Bayibolu,
yawanikaña mu

Matewu 26-28, Luka 22-24, Yowanu 13-21

"Kusoloka kwaMazu eyi kwaletaña chezhezhi."
Masamu 119:130



Hanakumini
Nsañu



Iyi nsañu yamu Bayibolu yinakutulezha hadi Nzambi yetu wamuwahi watuleñ'eli nawa nakukeña enu mumwiluki.

Nzambi weluka nindi twekoñaña yuma yatama, Yatenañayi nindi nshidi. Wuloku wanshidi hikufwa, ilaña Nzambi waswezha kuyikeña Watemesheli mwanindi wumu hohu, Yesu, kwinda nakufwila haKulusu nawa wayandilili nshidi zheni. Dichi Yesu wasañukili nawa wafuntili Mwiwulu mwashakamañayi! Neyi mwakuhwelela mudi Yesu nawa neyi mumulomba wukwanakena nshidi yenu, Wukuyanakena! Natweshi kwikala nanenu, ninenu nawa mukwikala nindi haya nyaka.

Neyi munetezhi nenu iyi nsañu yalala, mulezhenu Nzambi nenu: Mwanta Yesu, nakuhweleli nami Yeyi Nzambi, wenzhili neyi muntu kulonda kufwila nshidi zhami, nawa wasañukili. Nakutambwili muwumi wami nawa anakenaku nshidi zhami, kulonda nekali nawumi wawuha, nawa nakekali naneyi haya nyaka. Nkwashi nikwovwahili nendeña naneyi hamu neyi mwaneyi. Amena.

Tañenu Bayibolu nakuhosha naNzambi ifuku niifuku!
Yowanu 3:16

